

皇明海防纂要

第十冊

皇明詩經集解

卷之四

海防纂要卷之九

黎陽王在晉明初甫纂男曾苾穉蒞甫較閱

紀捷

望海碣之捷

永樂十七年倭船入王家山島傳烽至總督劉江率
精兵疾馳入望海碣明日倭數千人分乘二十艘直
抵馬雄島圍望海碣江發伏出戰遣奇兵伏山下斷
其歸路倭奔入櫻桃園公合圍斬首七百四十二捕
生八百五十七自是倭大創迄今不敢犯遼東各封

廣寧伯

吾學編

王江涇之捷 嘉靖三十四年四月

國家地廣治極文提武嬉海隅姦商乘時盜敗因緣
忿怒轉為寇賊民不覲兵為日既久望風奔潰莫之
誰何賊既連得利內附外連聲應氣合徒黨滋蔓動
以數千萬計又善用兵能以少為眾所徵四方材勇
懷伎武力之士率殲其手勢若烈火蹙蹙焉思啟
蓋自壬子春更癸丑甲寅恣行轉掠戕殺燔燒叢萃
數窟新故環迭而兩浙三吳之禍變慘矣乙卯春拓
林巢賊積增至萬餘人出掠嘉善諸處夏四月劇賊
徐海麻葉等探知嘉杭兵調松江搗巢率眾數千人

械乃使人悉索諸質肆故衣頒給之加賜錢帛牛酒
飲食召諸金木工晝夜繕造器具懸重賞苗兵感激
思奮察可用乃指畫石塘地形曲折曰汝宜以兵若
干為前鋒從塘路進若干為奇兵伏道左水兵船若
干環列道右防其逸皆後前鋒數里候賊將至某處
前鋒迎敵佯敗走俟其過伏伏盡起三面夾擊賊不
勝矣蓋臣如公策賊果債敗北走平望平望故別有
苗兵營賊不知會總督張公從松江兼程來視師而
永順宣慰彭翼南復從泖湖西出胡公又同督察趙
公部署叅將盧鏜等厲激之且躬擐甲胄徑馳馬趨

出 回合圍軍聲遂大振賊大沮還走王江涇旣連
疲於奔又餒且病矧無統紀遂大潰不支土兵與我
軍乘之斬倭首二千餘級墮溺水死者不可勝校蓋
自是嘉興抗人始安枕軍民主客始知賊猶人非真
若鬼神雷電虎豹然不可嚮邇浸有鬪志賊亦自是
稍稍顧忌逆氣狂謀漸以虧胸始可誘而圖矣嗟乎
奇變決而波才破洛澗襲而淮淝捷嘉山合而博陵
奔蓋自昔禍亂之興必有忠義材武韜鈴之臣以指
揮擘畫救寧戡定蓋天所以奠安維極綏輯神人鴻
德好生常假手乎鉅公偉人實為之孰云其果夢夢

也。巡按御史胡公宗憲副使董士弘僉事王菊以浙
兵至。叅政任環知府林懋舉以直隸兵至。而三店則
推官劉泉功居多。皆不籍客兵之援。由是而專任鄉
兵之議興矣。嗚呼。客兵之用。豈得已哉。蓋彼之獷狽
不馴。非素有禮義之習。我之恩威未洽。難責以忠愛
之心。恤之過則驕。操之急則變。勝敵不足以償其掠
民之害。厚賞不足以稱其邀求之私。前方城寨。氏論
之詳矣。雖然。寇攘猝起。民不知兵。慮客兵之禍。而徒
驅民以戰。如投羊於虎。是畏溺而避舟者耳。故調客
兵者。一時之權恃。客兵而忘練鄉兵者。非經遠之策。

任環督兵擊之擒其梟帥俘斬五六百級水火死者
不計屍盈阡陌婁水為赤殘寇僅二百人值暴雨追
之不克逸歸柘林嗚呼往歲倭賊覬我無備揚帆深
入視吾蘇不啻几上肉耳是捷也論者皆謂我兵有
死之心無生之氣而又益以蓋臣善戰之兵其勝宜
也愚謂不然戰之日續親見之矣撫巡乘城督兵傳
餐寇矢如雨自宴門以東達於陸涇壩我眾連呼戰
者三曰今日我任父對敵所不捐生以報者有如此
日由是士氣百倍總兵俞大猷并二宣慰兵三路並
進奮勇夾擊遂收全功當是時使非任公身先督戰

則吾不知民之僇力者何如使戰而弗勝則鼓寇之
怒其慘吾又不知何如也抑陸涇蘇之東境也前此
浙江巡按御史胡公宗憲有王江涇之捷則蘇之南
境後此提督都御史曹公邦輔有橫涇之捷則蘇之
西境未幾任公復有三文浦之捷則蘇之北境一歲
而賊四劔於蘇蓋自是而蘇無倭寇矣

崑山舉人李續撰

橫涇之捷

嘉靖三十四年八月

嘉靖乙卯秋八月倭賊自象山登岬流突南京焚安
定門殺一把總一指揮走無錫而南都御史曹公邦
輔引兵馳護孝陵因追及於蘇州之泚墅賊驕蹇

益甚公與副使王崇古會事董邦政知府林懋舉知
縣康世耀把總婁宇曰此賊勢埒數千勦敵我地形
兵力為彼所窺他日大舉入寇何以支之誓滅此而
後入城乃分授信地申主客應援之規以崇古邦政
宇率指揮張大綱武生車梁躡賊所向敵先登為
正兵懋舉世耀各領兵屯吳林廟之左北護郡城南
扼賊衝為援兵嚴家兵左哨沙兵右哨分突衝截為
奇兵度賊走太湖募水兵于湖濱東山巡檢領船數
十往來探哨為遊兵又度賊不走太湖必分踪以牽
制我師或棄金帛於道餌我嚴諭毋離伍毋拾遺士

